

حقوقی بیلگیلر مجموعه سی

صَاحِبْ وَسْرَحْرَدِي: پَارِسْ حُقُوقْ فَاكُولْتِهْ نِي دُوقُورِي
آدِوَقَاتْ مِيلاسْ غادرانقو

هيئت تحريره

موسيو آتيل دستر: پارس حقوق فاكولتەسى
مدرسلىرىدن

موسيو شاورغردە: پارس حقوق فاكولتەسى
فخرى مدرسى

موسيو ا. سالەم: حقوق دول مجموعه سی
هيئت تحريره سندن

باھر بلك: احضار قوانین قوميسيونى اعضاء سندن
محمد طلعت بلك: آدِوَقَاتْ

موسيو آ. پليورى: پارس حقوق فاكولتەسى
دوقتورى

فراد خلو مى بلك: محكمه تمیز اعضاء سندن

صبرى بلك: عدليه وكالتى حقوق ايشلرى مدبرى

مصطفى رشيد بلك: استانبول حقوق فاكولتەسى
مدرسلىرىدن

احمد رفيعه بلك: استانبول اجرا رئيسى

احمد صميم بلك: استانبول حقوق فاكولتەسى
مدرسلىرىدن

موسيو شارل قروزا: استانبول حقوق فاكولتەسى
مدرسلىرىدن

آدرەس: غلطەدە بختيار خان آدِوَقَاتْ مِيلاسْ غادرانقو بلك يازمخانىسى
تلفون: بلك اوغل ۳۰۰۹

بهر نسخه نك بدلى ۳۵ غروشدر

بر سهك آونمانى پوسته اجرتيله برابر ۴۰۰ غروشدر

تور كيا خارجى ايچون ۵۰۰ غروشدر

كاغذ حيق ومطبعه جيق آتوئم شركتى — استانبول

تصرف حقارینک دخی سنده ربطی ایچون علاقه دارلری حاکم امرینی استحصاله سوق ایتشدور. حکام علاقه دارلرک تصرف حقارینی نه صورتله تحقیق و تثبیت ایدم جکدر؟ قانون مدینک بو خصوصده کنیدیلرینه تحمیل ایتدیکی امر اعطاسی حقنی نه صورتله تطبیق واستعمال ایلیم جکدر؟ شمدیدن احباب مصالحدن بعضیسی «طاپو دائره لری سندیمزی ویرمیور» شککنده محاکمه مراجعته باشلامشدر و بو خصوصده طاپو مأمورلرینی خصم موقعنه قومیشلردور. وضعیتک بو شکله ارجاعی نه کبی حقوقی بر ضرورت یوزندن اولدینی بیلنمه مکله برابر مسئله نک محاکمه یه تعلق ایدن ایکنجی صفحه سی دخی حقوق شناسلریمزی یقیندن علاقه دار ایتسی لازم کلن بر کیفیتدر.

قانون مدینکک بو مهم ویا کر موضوعنک ارباب حقوقک نظر تدقیقی اوزرینه جلب ایتمه کری و دگری واردور.

آفره : 1928—8—25

عاطف

بر سؤاله جواب

سؤال :

مأمورلرک تجارتله اشتغالدن ممنوعیتلری حقنده 2 تشرین اول 1333 تاریخلی قرارنامه ایله 18 نیسان 1926 تاریخ و 509 نومرولی مأمورین قانونی و تورک جزا قانونسک 208 و 238 نجی ماده لرینک قابل تألیف اولوب اولمادینی والیوم جمله سنک احکامی مرعی بولوب بولمادینی استفسار بیورلمقدوره .

جواب :

بو خصوصده مرعی احکام عمومی شوندن عبارتدر .

قانونلرک الغاسی یا صراحةً و یا ضمناً واقع اولور. صراحةً الغا 13 مارت 1926 تاریخلی تورک جزا قانونسک 590 نجی ماده سنده مذکور اولدینی اوزره قانونک متنه درج ایدیلیر. نته کیم اشبو ماده ده [1274 تاریخلی جزا قانونی و ذیللری] اویولده [الغا ایدلمشدر]

ضمناً الغایه کلنجه ؟

بوخصوصده درت وضعیت تصور اوله بیلیر .

(A) برنجی وضعیت اولا موقع مرعیتده بولنان قانون عمومی بر قانوندر . مؤخرأ عینی موضوع حقنده ایکنجی عمومی بر قانون موقع مرعیته کیرر . مثلاً برعمومی جزا قانونی موجوددر . ایکنجی بر عمومی جزا قانونی موقع مرعیته کیرر . فقط ایکنجینک متئنده برنجینک الغا ایدلدیکنه دائر صراحت موجود اولماز . بوحالده بلاقید و شرط برنجی قانون عینی موضوع حقنده موقع مرعیته کیرن ایکنجی قانون ایله ضمناً الغا ایدیش اولور .

(B) ایکنجی وضعیت اولا موقع مرعیتده بولنان خصوصی بر قانون وارددر . مؤخرأ نشر اولنان عمومی بر قانونک خصوصی قانونده موضوع بحث اولان احکامدن بعضیسنه ویا جمله سنه تماس اولور . بوحالده ایکی وضعیت ممکندر .

(1) اولا موجود اولان خصوصی قانونده مؤخرأ موقع مرعیته کیرن عمومی قانونده موضوع بحث اولمیان خصوصات حقنده احکام موضوع بحث اولمشدر .

بوتقدیرده عمومی قانون ؟ بوخصوصات حقنده ساکت بولدینی ایچون اولا موقع مرعیتده بولنان خصوصی قانونک بوخصوصده کی احکامی بالطبع مرعی و معتبر اولور .

چونکه عمومی قانون خصوصی قانونلرک احتوا ایندیکی بتون احکامی احتوا ایده مز . و صراحةً ویا دلالةً الغا ایتمدکجه عمومی قانون خصوصی قانونک احکامنه خلل کتیرمز .

(2) یاخود موجود اولان خصوصی قانونده موضوع بحث اولان احکام مؤخرأ موقع مرعیته کیرن عمومی قانونده موضوع بحث اولمشدر . بوتقدیرده عمومی قانون خصوصی قانونی تعدیل ایتمشدر .

چونکه واضع قانون عمومی قانون ایله خصوصی قانونی تعدیل ایتمک ایسته مشدر .

(C) اوچنجی وضعیت اولا موقع مرعیتده بولنان عمومی قانونده بر حکم موجود اولور . مؤخرأ انتشار ایدن خصوصی قانونله بشقه احکام وضع اولونمشدر .

بوتقدیرده خصوصی قانون عمومی قانونی تعدیل ایدر .

(D) هر ایکی قانونده خصوصی قانون اولور . بوتقدیرده اوچ وضعیت وارددر .

برنجی قانونده ایکنجی قانونه مخالف احکام وارددر :

- (1) بوحالده برنجی قانونك ايكنجی قانونله قابل تأليف اولميان احكامی كاملاً ملغادر.
 - (2) اكر مخالفت يالكيز بر حكمة متداثر بولنور ايسه يالكيز او حكم ملغادر.
 - (3) برنجی قانون ايله ايكنجی قانون آره سنده برنسب اعتباريله اختلاف واردر.
- بو تقدیرده برنجی قانون تماماً ملغادر.

قانونلرك الفا وتعديلی حقه ده كي احكام نظريه يني تلخيص ايتدكن صكره موضوع بحث اولان هر اوج قانونی تدقيق ايتك فائده دن خالی دكلدر.

اولا انتشار ايدن 2 تشرین اول 1333 تاريخی قرارنامه ده مأمورينك تجارتله اشتغالدن ممنوعيتلری حقه ده احكام صريحه موجوددر. اشبو قرارنامه يه كوره مأمورلرك عقد تمتع ايله طوغريدن طوغری يه ويا بالواسطه معامله تجارتبه ايله اشتغالدن ممنوعيتلری منصو صدر. بونلر حق لرنده مأموريتده بردها استخدام اولنماق اوزره طرد وبش ليرادن بيك ليرايه قدر جزای نقدی تطبيق اولنه جنی مصر حددر.

ثانياً 13 مارت 1926 تاريخی مأمورين قانونسك 8نجی ماده سنده ايسه اشبو ممنوعيت تکرار ايدلمشدر.

هر ايکی قانون مأموريندن باحث اولسنه كوره خصوصيدر. بناء عليه (D) حرفنده اشارت ايتديكمز وجهله آره لرنده برنسب اعتباريله فرق بولميان وناقابل تأليف احكامی ده احتوا ايتميان هرايکی قانوندن ايكنجينك برنجی يني نه تعديل ونه ده الفا ايتديکی آشكارددر. بناء عليه بو وضعيته برنجی 2 تشرین اول 1333 تاريخی قانون عمومی بر شكلده يعنی مأمورينك علی الاطلاق تجارتله اشتغاللری، جزاسی مذکور 2 تشرین اول 1333 تاريخی قانونده كوسترلك شرطيله ممنوعدر.

ثالثاً اخيراً انتشار ايدن عمومی جزا قانونسك مذکور ايکی قانونه اولان تأثيرينه كلنجه: جزا قانونسك (238) نجی ماده سنده موضوع بحث اولان حاكم لره مأموريندن برينك دائره سی داخلنده اهالیك ضروری اولان حوايجدن حبوبات ارزاق وسائر مائزملری صاهر ق اجرای تجارت ايدمه ملری مؤيد مأموريندن محروميت وبوز ليرادن آشای اولميه حق آغير جزای نقدی تهديدی تحتنده منع ايدلمشدر.

كذلك 208نجی ماده ده موضوع بحث اولان دولت مأمورلرينك نظارت واداره سنه

مأمور اولدقلری ایشلر ایچون دوغریدن دوغرییه و یا دولایسیله اجرای تجارتدن ممنوعیتلری سورکون و مأموریتدن محرومیت و یا حبس جزالری تهدیدی تحتنده ممنوعدر. بوایکی وضعیت برر حال مخصوصدر. قانونک هیئت عمومیه سندن بوایکی فعل خارجنده قالان تجارتلره مساعده ایدلایکسی آکلامق امکانی یوقدر.

یالکیز واضع قانون بو افعالک جزاسنی ۲ تشرین اول ۱۳۳۲ تاریخلی قانونده معین جزادن آرتیرمشد.

اساساً ایتالیان قانون جزاسنده بزم ۲۰۸ و ۲۳۸ نجی ماده لک مقابلی یوقدر. صکره دن علاوه اولونمشد. حتی ۲۰۸ نجی ماده اختلاس فصلنده ذکر ایدلمش و فقط حقیقت حالده فعل اختلاس جرمی اولیوب مأمورینک خلاف ممنوعیت تجارتله اشتغال جرمی بولنمشد. شو وضعیت واحکام عمومیه کوره b حرفک (۱) رقنده اشارت اولندیفی وجهله عمومی بر شکلده دکلدر. بناء علیه ۲۰۸ و ۲۳۸ نجی ماده لرده موضوع بحث اولان حاللر خارجنده تجارت ممنوعدر. شو قدر که ۲۰۸ و ۲۳۸ نجی ماده لرده موضوع بحث اولان افعال ایچون ینه b حرفک (۲) رقنده اشارت اولندیفی وجهله جزا تشدید ایدلمش اولدیفی حالده بونک خارجنده قالان دیگر تجارت ممنوعیتلری حقنده ۲ تشرین اول ۱۳۳۳ تاریخلی قرارنامه موجبجه بش لیرادن بیک لیرایه قدر جزای تقدی حکم اولنمق ایجاب ایدر. حقوق فاکولتسی مدرسلرندن

آوو قات : صورت فریم



آورقات ناظم بکه :

ایراد بیوریلن سؤاللره بروجه آتی صره سیله جواب ویرلم :

۱ — ۱۳۲۴ سنه سنده استحصال ایدلمش و حکمی کسب قطعیت ایلش بولنان اعلامک تصحیح قید و منع مداخله یه متدائر بولنان قسم اساسیسی ایله مصارف محاکمه یه متدائر بولنان قسم فرعی سندن مصارف محاکمه یه متدائر اولان قسمک اجرا ایدلمش اولسی منع مداخله و تصحیح قید حکملرینک ده انفاذ ایدلمش اولدیغنه دلالت ایدمز. چونکه تصحیح قید حکمی مطلقاً طابو دائره سنده محکومله نامنه قیدک تصحیحی ایله قائمدر. منع مداخله ایسه غیر مقولک شاغلی بولنان شخصک او غیر منقولدن اخراجیله